

Euskara eta hezkuntza, jopuntuan

Euskalduntze eta irakaskuntzari buruzko ekimen sorta onartzeko baliatu dute egoera PP, PSE-EE eta UAk

Luis Karlos Garcia / Gasteiz

Eusko Jaurilaritza sostengatzen duten taldeen gaur egungo gutxiengoaz baliatuta, ekimen parlamentario andana aurkeztu eta, gehienez,

tan, onesten ari da azken hilabeteotan PPK, PSE-EEK eta UAk osatzen duten *burdinazko* multzoa, zeinak orain arte ekintza bateratuan arazo handirik gabe jardun duen. Jomugan izan ohi dituzte euskararekin eta hezkuntzare-

kin zerikusi duten alorrak, eta, proposamenen ondorioz, tentsio handiko eztabaida beroak gertatu dira. AEKren, D ereduaren edo ikastolen aurka esandakoak adibideak dira, baina baita lege baliorik gabeko ekimenak ere.



PAULINO ORIBE

Iñaki Ojartzabal, PPko legebiltzarkidea, otsailean egindako osoko bilkura batean hitz egiten.

Testimonialak

■ ■ ■ Askoren ustez, «zarata ateratzeko» ekimenak baino ez dira, baina legezko proposamenak ere hasi dira agertzen

Gorakada

■ ■ ■ PP, PSE-EE eta UAk ekimen kopurua handitu ez ezik, *tonuan* ere gora egin dute

Ekimen zaharrak

■ ■ ■ Garai batean onartu ezin izan zituztenak berriro proposatu dituzte

OSTIRALEAN, euskarari eta hezkuntza sistemari moka, asteroko osoko bilkurak ematen duen abagunea aprobetxatuz. «Ez nahastu», zehaztu dute asteon, baina, UAKo eta PPko bozeramaile parlamentarioek, «guk ez baitugu ezer euskararen kontra; hizkuntza ofizialen onerako dihardugu, ez besterik!». Nolanahi ere, AEKri diru laguntzak bertan behera uzteko Arabako taldeak esandakoak (azkenean Legebiltzarreko Mahaiak atzera bota zuen) edo PPkoek D ereduko ikasleak behar bezalako prestatu gabe daudela esateak ez dirudi munduko mesederik onena direnik.

UAK, PPK eta PSE-EEK erasoari ekin diote EHk iraillean Gasteizko Ganbera utzi eta Lakuako Gobernua gutxiengoan geratzean. Eki- men kopurua handitzeaz gain, batez ere *tonuan* egin dute gora, akaso legez besteko proposamen testimonialak besterik ez direlako,

«zarata ateratzeko pentsatutakoak», EAJk eta EAK leporatzen dietenez. Izan ere, multzo konstituzionalistak ostiralero onartzen dituen ekimenek ez ohi dute lege baliorik, eta Jaurilaritzari behin eta berriro «eskatu» baino gehiago egiterik ez

dute. Dena den, legezko proposamenak ere hasiak dira agertzen.

«Aliantza ahula da»

Erasoen jopuntuan, etengabe, euskalduntzeari eta irakaskuntzari buruzko espa-

rrua. Jeltzaleen irakurketari jarraiki, «PP-PSOE aliantzaren ahuldadearen isla da azken batean soil-soilik euskararekin eta hezkuntzarekin zerikusi duten gaietan jotzea». Tartean, baina, irain eta mespretxu dezente, arrazoi zuzenik gabeko harreman

makiavelikoekin batera. «Nola liteke Jaurilaritza honek 50 milioi pezetako diru kopurua bideratzea balioen heziketarako, eta, berriz, EGUNKARIA bezalako hedabide bati 150 milioi ematea?», galdetu zuen Iñaki Ortega PPko bozeramaileak ekainaren 2ko bilkuran euskal gazteen jarrera biolentzarako desagerarazteko proposamenaren eztabaidan.

Eta gaur, funtzionarioen perfilak auzitan

■ LEGEBILTZARREKO osoko bilkurak PPren legezko proposamen bat eztabaidatuko du gaur, Euskal Funtzio Publikoari buruzko legearen erreforma aintzat hartua izan dadin (ponentzia bat osatuko litzateke gero aldatu beharreko puntuen inguruan aritzeko). Izan ere, oraingo honetan PPkoek jopuntuan daukate fun-

tzionarioen hizkuntz eskakizunekin zerikusi duen araudia.

1994. urtean proposatutako ekimena da, baina garai hartan ez zuten gauzatzetik izan, eta gaur egungo egoera politiko bestelakoa dela ikusirik, mahai gainean jarri dute atzera. Gainera, sozialistek eta UAK aldeko jarrera azalduko dute gaur, eta,

beraz, aurrera egingo du seguruenik.

Leopoldo Barreda bozeramaileak izenpetutako testuak «beharrezkotzat» jotzen du 1989. urteko legearen erreforma egitea. «Hamar urte igarota, bistan da ez dela beharrezkoa hizkuntz eskakizunak ematea Administrazioetako lanpostu guztiei», ondorioztatu du PPK.

Hala, PPkoek zen-

bait doikuntza indarrean ezartzeko proposatu dute, eta osagai iraunkorra da «euskarari meritua eskaintzea, besterik ez». PPren proposamena da zenbait lanpostuk 0 eskakizuna izatea, eta, gainera, euskarak meritua gisa duen puntuaketaren balorazioan behera egitea. Garai bateko adostasun auzitan jarri nahi du horrela.

Garai bateko ekimenak atzera

Eta, gauzak horrela, garai batean bultzatu baina talde proposatzaileek nahi bezala atera ez ziren ekimenak berriro ere mahai gainean jarri dituzte. Horixe egin zuen herenegun PPk EAEko 200 ikastetxek legeak agintzen duen gaztelania ordu kopurua betetzen ez dutela salatzean: izan ere, Legebiltzarreko osoko bilkurak iragan ekainaren 29an eztabaidatu zuen gaia da hori, baina...